

loratiores. Frigore autem comprimuntur, vel contrahuntur vasa. Hinc abbreviatur culmus. Proinde panicula quoque et decurtata atque depauperata. Sed abbreviato culmo, paniculaque pauciflora facta, non possunt flores seu glumæ calycinæ tenues atque graciles fieri; sed eadem lege succrescant, necesse est; quia flosculi numerosi quasi in paucis continentur. Neque *Aira alpina* tantum istiusmodi vegetationem collectivam ostendit, sed multa alia vegetabilia, de quibus infra plura. Ceterum, quo altius surgit gramen versus alpes, eo brevius atque strictius fit. Habeo Specimina ad mare lecta Helgelandiæ 1819, quæ optime sunt evoluta: foliis elongatis, non convolutis et paniculâ diffusâ; quæ, nisi vivipara essent, ab *A. cæspitosa* discerni non possent.

Itaque verosimili videtur, *A. alpinam* non esse nisi varietatem *A. cæspitosæ*; sicut *A. montana* L. a *flexuosa* differt glumis tantum majoribus, magisque coloratis.

Huc citari possunt: *Hierochloa odorata*, var. *bicolora*, (Zetterst. Res. 2. p. 52); *Poa alpina* α; *Erigeron Acre* β. *glabratum*, (Zetterst. Res. 2. p. 129); *Solidago Virgaueræ* β. *lapponica* (Wahlenb. fl. Sv. N.º 952.); quæ omnia non modo magnitudine, sed etiam colore vivacissimo, quo ad flores eximie differunt ab iis, quæ in aliis regioni-